



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmanstorff ad
Laitam Bonus Ordo Triplicis Formatae Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

In Festo Sancti Josephi.

[urn:nbn:de:hbz:466:1-51763](https://nbn-resolving.org/urn:nbn:de:hbz:466:1-51763)



MARTIUS.

IN FESTO S. JOSEPHI.

CONCIO PRIMA.

Textus. Joseph. Matth. i. cap.

Thema. Patrocinator S. Joseph universis, in universis.

Exordium.



Anct. Josephum omni homini, in omnibus negotiis re patronum, experta S. Theresia testatur in Reu. lib. 6. *In Patronum & Dominum elegi gloriosum & S. Joseph, ejusque patrocinio unice me recommendo.* liquido deinde perspexi, S. hunc Patrem, & Dominum meum, tam ab hac necessitate, aliisque majoribus, in quibus anima mea, & honore, & perditione agebatur, liberasse, nec me me aliquid ab eo petisse, cujus me compotem non fecerit; experta sum, in qualibet necessitate adjuvare, & adesse, adeo minus nobis indicare velle videatur, quod, quemadmodum in terrâ viventi subditus fuit, sic ei existenti in cælo, nil eorum petierit, denegat. S. Joseph non impetrat, sed imperat, non ordinat. Joannes Gerson. part. 3. Tractatu in Magnificat. *Quis quid vult à Deo obtinere, accipiat S. Joseph pro Advocato, & impetrabit.* Bernardinus de Busto part. 4. serm. 12. *Panem conservandum, accepit S. Joseph, tam sibi, quam toti mundo; Joseph constituit Deus, suæ Matris solatium, suæ carnis nutrimentum, consilium denique solum in terris, magni Consilii coadjutorem fidissimum.* Bern.

*S. Bernardi
nu.*

Bernardus hom. 2. super missus est. *Quibusdam sanctis datum est, S. Bernardum in aliquibus specialibus causis precipue parrocinari, at Sanctissimo Joseph, in omni necessitate, & negotio concessum est opitulari, & omnes ad se pie confugientes fovete, & affectu pio prosequi.* S. Thomas A. *S. Thomas Aquinas.* O beatos, & felices eos, quos S. Joseph dilexerit, quos sub sua protectione suscepit, non dubium, quin innumera beneficia, ob illius merita, à Deo sint habituri. Archiepis. à Capite Fontium. hom. de laud. virg. Materiam hanc Conceptibus deducam, imploratâ divi-
nâ gratiâ.

CONCEPTUS I.

Evangelista Lucas cap. 2. narrat: Postquam tres Rêges Orientis in Bethlehem advenerant, Regem Christum Jesum adorare; Sacratissimam familiam, hoc ordine locatam invenerint: *Invenerunt Mariam, & Joseph, & Infantem.* Joseph in medio Mariæ & JESU ponitur. An non convenientius fuisset, in medio ponere Jesum delatissimum infantem? non JESUS, sed Joseph in medio ponitur. Cur hoc? An medius inter Jesum & Mariam ponitur Joseph, medius quasi Mediator, Patronus, Advocatus universalis apud Deum, pro homine? ita subscribit Conceptum hunc doctissimus Josephus Mansi, in Promptuario in Festo S. Josephi disc. 8. *S. Evangelista Josephum in utriusque medio proponit constitutum: Invenerunt Mariam, & Joseph, & infantem, velut Mediatorem & Intercessorem.*

Confirmatio
Jesu
Deductio.

CONCEPTUS II.

Joseph Ægyptiacus figura erat S. Patriarchæ Joseph, nutritii Salvatoris nostri, sicut enim hic panem servavit uni Regno, sic Joseph panem vivum, Christum Jesum, servavit universo mundo. Ita elegantè Aloysius Novarinus in umbrâ virgæ S. 41. Quod nunc de Josepho Ægypti Pharao pronunciavit, vocavit eum linguâ Ægyptiacâ, *Salvatorem mundi.* Gen. 41. cap. meliori jure de S. Joseph pronuntio, & voco, *Mundi salvator dictus est, primus ille Joseph, eò quòd urbem à famis excidio liberasset: justius hunc titulum meretur Joseph, qui ipsius mundi Salvatore salvavit ab Herodis manibus.*

Bb 3

Quod

Quod Joseph Ægypti dixit ad fratres, Genes. 45. cap. *Nolite perire pro salute vestra misit me Deus*, hoc de S. Joseph rectius dici poterit non paveat humanum genus, pro salute omnium hominum est S. Joseph. Probo verbis Arnoldi Carnotensis, in bibl. vet. *Securum accessum jam habet homo ad Deum, ubi Mediatorem cause sue, filium habet ante Patrem, & ante filium Matrem.* Monstrat filius Patrem, & vulnera, & movet Patrem, ut misereatur; monstrat Mater filio lac & ubera, & movet filium, ut indulgetur mortali. Sed quis est, qui moveat filium & matrem, ut filius ad Patrem, mater ad filium patrocinentur? est S. Joseph, ab Evangelio Luca 2. cap. in medio Mariæ & Jesu, matris & filii ponitur. *Invenit Mariam, & Joseph, & Infantem.* In medio Mediator: monstrat matri & filio, S. Joseph labores, & opera, quæ in nutriendo eos protulit, ac sustinuit, quibus commovet matrem, sponsus fidelitatem, ut monstrat filio lac & ubera; filius movetur, ut monstrat Patrem & vulnera: Sic homo per S. Joseph acquirit patrociniū veritale. Ita confirmat Joannes Gerson, in Josephinâ: *O quanta fiducia, quanta vis impetrandi, quia dum Pater orat uxorem Matrem, velut Imperium reputatur.* Hoc edocere voluit propter Ecclesia, in sequenti formulâ, S. Josephum invocare nos intendens: *Sanctissima Genitricis tuae Sponsi, quasumus Domine, prece adjuvemur, ut quod possibilitas nostra non obtinet, ejus nobis concessione donetur.*

CONCEPTUS III.

Angelus S. Josephum Luca 2. cap. ita compellat. *Joseph Filius David.* Cur quæso Filium David nomine compellat, & non rectum Abrahamæ vocat? Glossa citata verba habet: *Ex nomine quasi notum, & familiarem, hac autem familiaritas, gratiam utiliter obtinendarum est indicativa.* Inquit Mansius supra citat probat, & confirmat. Exodi cap. 33. Moyses Deum precatur remissione peccatorum populi sui: placatus Dominus, respondit Moyse. *Novi te ex nomine:* desuper Rupertus Abbas: *Dicit Dominus Moysen, novi te ex nomine, quasi consequens sit, ut quod ipse est Deo, hoc alios, qui in Dei notitiâ non sunt digni, committat.*

*possit. Quis quæso magis Filio notus, quàm Pater? Quis Sponsæ magis notus, quàm Sponsus? Joseph Pater nutritius erat Dei Filii, Sponsus & verus maritus Virginis Mariæ: Joseph, te nomine vocat Angelus, Patri notissimum, & familiarissimum; si nunc ex mente Ruperti consequens sit, ut qui ipse notus sit Deo, hic alios commendare possit; Joseph DEO & virgini intimus, & notissimus; ergo per hoc Generalis Patronus, Advocatus, & Intercessor. Cur Filium David vocat? Cur non Filium Abrahamæ? David se obstrictissimum memorat: constat ex Psalmo 131. *Memento DOMINE David, & omnis mansuetudinis ejus, sicut juravit DOMINO, votum vovit DEO Jacob; propter David servum tuum, non avertas faciem Christi tui; juravit Dominus David veritatem, & non frustrabitur eam.* Filium ergo David, Angelus S. Josephum vocat, ad indicandum, Deum S. Josepho esse obstrictissimum, ad dictissimum; S. Josephum generalem esse humani generis Conservatorem, Advocatum, Patronum, Salvatorem; propter Josephum non avertere, sed faciem suam ad nos convertere CHRISTUM JESUM.*

CONCEPTUS IV.

Duce S. Josepho, Dei Filius introire voluit in hunc mundum. Ita Lucas cap. 2. *Ascendit autem & Joseph, à Galilea de civitate Nazareth, in Judæam civitatem David, qua vocatur Bethlehem, eò quòd & ipse erat de familia David, ut profiteretur cum Mariâ, desponsatâ sibi uxore pregnante: factum est autem, cum essent ibi, impleti sunt dies, ut pareret, & peperit Filium suum primogenitum.* Duce Josepho ad Arimathæâ, iterum exire voluit de hoc mundo. Sic Marcus testatur cap. 15. *Joseph eum involvit sindone, & posuit eum in monumento: desuper Cornelius à Lapide in cap. 17. Matth. Notandum est, Christum introisse in mundum per Joseph: Sponsam Virginis, exisse è mundo, ac sepultum esse, per Joseph ab Arimathæâ.* Notandum est: hortatur Cornelius; Quid in hoc notandum est, quòd JESUS per Joseph in mundum introire, & iterum per Joseph exire è mundo voluerit? Apocal. cap. 1. Christus

Christus se, *Alpha & Omega, Principium & finem*, intitulat; dicitur
 Joseph, initium sumit in mundum, duce Joseph, & finem sumit in
 hoc mundo; cum Joseph à principio usque in finem confisas habet, ge-
 neralis est Patronus & Advocatus; per Josephum stat felix ege-
 sus ex hoc mundo, & beatus ingressus in cœlum; per Josephum
 stat felix via in hâc Patriâ, & beata vita in æternitate; per Jo-
 sephum venit felix vitæ initium, & felicior finis vitæ, paratæ mortis
 & post ipsam, æternæ beatitudinis.

CONCEPTUS V.

Variis rebus comparantur Jesus, Maria, & Joseph. Maria ab
 gelis dicitur aurora. *Quæ est ista, quæ progreditur quasi aurora*
 Cant. 6. *Aurora est beatissima Virgo Maria, quæ inter noctem
 solem, inter hominem & Deum, inter hominem injustum, & Deum
 justum est optima mediatrix.* S. Bonaventura Serm. de Nat. B.
 Aurora Maria, quæ solem gratiæ, Christum Jesum, mundo peperit
 & produxit. *Orietur vobis Sol justitia.* Malachia cap. 4. Si Maria
 aurora, Jesus Sol; S. Joseph est Angelus, qui semper in suo curia-
 lem Christum regit, & dirigit, ut radiis gratiarum suarum,
 homines illustret, ac illuminet. *Mariam paradisum, CHRISTUM
 arborem vitæ*, intitulat S. Bernardus in Deprecat. ad B. V. *Paradisus
 DEI tu es, quia lignum vitæ mundo protulisti.* Si Maria
 paradisus, Jesus fructus ventris arbor vitæ; ergo S. Joseph
 Cherubinus ad januam paradisi, exulârunt in hoc mundo
 fructum perditum, unde exulârunt, iterum pervenire
 fructum perditum, Dei gratiam, recipiant. Arcam Noë Maria
 insinuat Hesychius Hom. de Deiparâ. *Arcam, quæ unigenitum
 Trinitatis portavit complementum.* Si Maria arca, CHRISTUS
 JESUS columba est, quæ ramum viridem pacis & reconcilia-
 nis attulit: S. Joseph Noë est, omnium misericordissimus pa-
 tris, & fautor, ut ab interitu conserventur, pace æternâ fru-
 tur. Mariam templum DEI intitulat S. Andreas. Creten-
 rat. de Annunt. B. V. *Salve magnificum divine gloriæ templum
 In hoc templo Sanctum Sanctorum est CHRISTUS JESUS*

Vincentius in Vigil. Nativ. Si Maria templum DEI, CHRISTUS Sanctum Sanctorum; ergo S. Joseph est summus Sacerdos, cum sit justus, qui Sanctum Sanctorum Christum Jesum, in suis deportat manibus, ut omni homini benedictionem DEI, & remissionem peccatorum, clementissimus Patronus impertiatur. The-saurus est Jesus: *In quo omnes thesauri sapientia sunt absconditi.* ut Paulus docet. 2. ad Cor. cap. 3. Mariam *vas divinitatis* Bernardinus Senensis nominat tom. 3. ferm. 36. tertiâ part. Si the-saurus Jesus, Maria vas, in quod hic thesaurus repositus; ergo S. Joseph est thesaurarius liberalissimus, de thesauro gratiarum Dei, nobis egenis & indigentibus, milliones elargiri, omni tem-pore paratissimus.

Hortor ergo: *Ite ad Josephum.* Genes. 41. cap. Indigentes ite *Epilogus.* ad Josephum, ad thesaurarium Dei liberalissimum; Peccatores, ite, confugite ad Josephum, ad Noë misericordissimum, salvatio-nem & conservationem impetraturi: omnes tandem morta-les, ite ad Josephum, Sacerdotem benignissimum, bene-dictionem temporalem, & æternam consecuturi.



Cc

IN



IN FESTO S. JOSEPHI.

CONCIO SECUNDA.

Textus. *Gloriâ & honore coronâsti eum.* Psalm 8.

Thema. Quàm gloriosus, & honoratus sit S. Joseph.

Exordium.



Enex & virtuosus Patriarcha Jacob, à Spiritu S. illuminatus, è nominibus Filiis suis futuram felicitatem aut infortunium prædixit: Filio suo Josepho prophetizat: *Josephus Filius accrescens.* Genes. 49. cap. Merito nutritio Christi, à providentiâ divinâ, datum est no-

Patres.

men Joseph: *Joseph Filius accrescens:* siquidem post B. V. Mariam nulla creatura in gloriâ & honore adeò altè assurrexit, quàm S. Josephus Pater nutritius Christi. Audiamus desuper Patres

Suarez.

In comparatione gratiæ & gloriæ S. Joseph, cum gratiâ & gloriâ aliorum Sanctorum, existimo pium & verisimile, Sanctum hunc reliquos omnes, etiam Apostolos, in gratiâ & beatitudine antecellere. Ita Suarez. tom. 2. in 3. part. D. Thomæ q. 22. art. 1. disp. 8.

Dionysius Carthus.

sect. 2. Joseph vir justus, justitiâ suâ, meritorum gratiarumq. lumine, cæteros excellit Sanctos. Dionysius Carthusianus in cap. 2. Matth. *In tantum est exaltatus dignitate S. Joseph, ut Matris Dei, cui inter puras creaturas, sanctitate & dignitate nihil est æquale,*

S. Hieronymus.

meruit verus esse Sponsus, & verè unigeniti Filii Dei Pater nuncupari, quibus duobus titulis, & prodigiis, factus est super omnes Patriarchas, & Prophetas, qui ante eum fuerunt. S. Hieronymus

S. Gregorius

in cap. 48. Genes. S. Joseph, post B. Virginem, censetur inter primos Sanctos. S. Gregorius lib. 19. moral. *Nullus Sanctus in caelo ma-*

ior est, S. Josepho, post virginem benedictam. Joannes Gerson. de Nativ. B. V. Nemo mihi audacia adscribat, si Joseph perfectissimum omnium Sanctorum unâ B. Virgine exceptâ, prædicem. Cartagena tom. I. de B. V. lib. 4. hom. 8. sicut subjectio inestimabilem humilitatem notat in Christo, ita dignitatem incomparabilem signat in Josepho. Joannes Gerson. de Nativ. B. V. In anima & corpore, S. Joseph in cælis gloriosus est. Bernardinus de Busto. de Desponsat. Mariæ. Invocatâ Dei gratiâ, desuper Conceptus formabo.

Joannes
Gerson.

Cartagena.

Bernardinus
de Busto.

CONCEPTUS I.

Quæstio orta est in Collegio Apostolico: *Quis putas major est in regno cælorum.* Matth. 18. cap. Quæstioni respondet Magister Christus: *Quicumque se humiliaverit, sicut parvulus iste, hic major est in regno cælorum.* Quasi diceret: Humillimus, demississimus in terrâ, erit maximus, honoratissimus, gloriosissimus in cælo: humillimus, demississimus fuit Josephus in terris: Probo assumptum; S. Joseph verissimus fuit maritus Mariæ, teste Scripturâ: *Joseph, noli timere accipere Mariam conjugem tuam.* Matth. cap. 1. Si verus maritus Mariæ, ergo omnibus dotibus uxoris suæ particeps; sic concludente S. Bernardino Senensi, tom. 3. de S. Joseph. *Cum omnia, qua sunt uxoris, sint viri, credo, quod B. V. totum thesaurum cordis sui, quem Joseph recipere poterat, ei libentissimè exhibebat.* Maria verò uxor S. Joseph fuit humillima: *Ecce ancilla Domini, fiat mihi secundum verbum tuum,* Lucæ 2. cap. & respexit humilitatem ancilla sua. Si nunc cordis sui thesaurum exhibuit B. Virgo Joseph, & si in uno matrimonio, certè in hoc fuerit alter alterius adiutorium simile illi, Maria thesaurum humilitatis suæ, liberalissimè S. Joseph communicaverit, Joseph humillimæ virginis factus fuerit humillimus maritus. Unde iterùm Bernardinus Senensis, tom. 3. de S. Joseph: *Credo, Joseph fuisse mundissimum in virginitate, profundissimum in humilitate, ardentissimum in charitate, altissimum in contemplatione, ut esset adiutorium simile illi.* Uti nunc humilitas B. Virginem exaltavit, & fecit inter omnes mulieres dignissimam, gloriosissimam, ita humilitas S. Joseph, inter viros fecit

Confirmatio
seu
Deductio.

Cc 2

in

in cœlo maximum, honoratissimum, dignissimum, & gloriosissimum. Hoc ulterius demonstro, cum prodigiosâ scalâ Jacob.

CONCEPTUS II.

Jacob Genes. 28. cap. vidit *scalam stantem super terram, & cœlum illius, tangens cœlum, Angelos quoque Dei, ascendentes & descendentes per eam, & Dominum innixum scale.* Ille gradus in scalâ, super quem innixus erat Dominus Deus, utique gradus primus, supremus, & altissimus erat. Rupertus, per gradus & scalam Jacob intelligit Reges & Principes, de quorum sanguine Christus progressus & ortus est; *Qui*, jam inter hos Patres, Reges, & Principes, de quorum tribu, & sanguine, Christus nasci dignatus est, primus, maximus, dignissimus, altissimus, supremus est? utique is super quem Dominus innixus est; hic autem gradus est S. Joseph teste Matth. cap. 1. *Jacob autem genuit Joseph, virum Mariae, de qua natus est Jesus.* desuper Rupertus; *Supremus autem scale gradus, B. Joseph, cui Dominus innixus est, tamquam tutori pupillus.* in cap. 1. Matth. lib. 21. *O quoties Deus, Christus Jesus super Joseph innixus suavissimè recubuit, in sinu quievit! O quoties, quantâ dulcedine audiebat Joseph, balbutientem puerum, se Patrem vocare?* eximat Bernardinus Senensis art. 2. cap. 2. Si nunc Joseph, primus proximus gradus est, in scalâ generationis Christi, Pater nutritivus Filii Dei; ergo & primus & proximus post virginem, ad thronum Dei, in cœlis, omnium honoratissimus, dignissimus, maximus, gloriosissimus est S. Joseph. *Joseph dies ille Sabbathi est, in quo gloriosus Dominus requievit ab omni opere, requievit corporaliter in gremio, in brachiis, in collo, in humeris.* Ilidorus Isolanus. part. 3. cap. 1. Certe firmo verbis Christi Matth. 20. cap.

CONCEPTUS III.

Comparuit coram Jesu, Mater Filiorum Zebedæi, cum supplicavit *Dic, ut sedeant, hi duo Filii mei, unus ad dexteram, & unus ad sinistram, in Regno tuo.* Matth. 20. cap. Respondet suavissimus Dominus: *Sedere ad dexteram, vel sinistram, non est meum dare vobis, sed* quibus

quibus paratum est, à Patre meo. Quasi diceret: Hæc præcedentia, & sessio ad dexteram & sinistram, jam à Patre meo cœlesti, ab æterno duâbus personis præordinata est: desideratis scire, quæ sint illæ felicissimæ, dignissimæ personæ, quibus præcedentia, & sessio ad dexteram & sinistram Dei in cœlis ordinata sit? dicit Rupertus. *Et quibus parata sunt sessiones illæ? nisi gloriosa Mariæ, quæ stabit à dextris: & Patri S. Joseph, qui præerit à sinistris.* Proximus ergo Joseph, ad latus Jesu in cœlo, ergo primus, dignissimus, honoratissimus, altissimus, gloriosissimus in cœlis.

CONCEPTUS IV.

Experientia docet, quò propinquior, vicinior arbor aquis, fonti, aut rivo plantata consistit, eò arbor illa altior excrescit, eò magis se dilatat. Christus Jesus à Joanne cap. 4. *Fons aquarum viventium* intitulatur. Sponsus in Canticis cap. 4. Mariam *Fontem signatum* dicit: proximus, vicinissimus, apud, cum, & penes Jesum & Mariam, has aquas gratiarum, triginta annis consistit S. Josephus; proximus dico: quis enim Filio proximior, quàm Pater? Quis sponsæ proximior, quàm sponsus & maritus? Pater, nutritius Christi Joseph. *Illi æternus Pater, primatûs sui similitudinem, super incarnatum verbum, & Filium, libentissimè condonavit.* scribit S. Bernardinus Senensis. ferm. de S. Joseph. Verus maritus Mariæ est Joseph, Dei verbo. *Noli timere accipere Mariam conjugem tuam.* Matth. 1. cap. Concludo: ergo S. Joseph proximus, vicinissimus in hac vitâ, aquis gratiarum Jesu & Mariæ, altissimus in honore, in dignitate summus, in gloriâ supremus, præ cœteris Sanctis in cœlis excrescit. *Tamquam lignum, quod plantatum est secus decursus aquarum.*

CONCEPTUS V.

Cruce & aridum lignum, in quo Christus Jesus pependit, inter reliquias Sanctorum est honoratissimum, dignissimum, gloriosissimum: Causa est tantî honoris, dignitatis, & gloriæ, quia Christus in eâ pependit: & quàm diu? tribus circiter horis. Si nunc lignum tam honorificum effectum est, quia in eo Christus tribus horis pependit;

pendit; omnino dignissimus, honoratissimus, gloriosissimus est Joseph, cum Jesum, quasi sibi acclavatam, mille brachiis deprecavit, cum Jesum, non tribus horis, sed triginta annis, fidelissimum nutritus studiosè tulerit, providè aluerit, sollicitè curaverit; merito in cœlis, S. Joseph, super omnes Sanctos exaltatus, honoratus, gloriosus,

CONCEPTUS VI.

De se fatetur æterna veritas. Matth. 5. cap. *Non veni solvere legem, sed adimplere.* Legem honorandi parentes, non tantum veteri lege: Exodi 20. cap. Deus Pater præcepit, sed et in novæ lege Matth. 7. cap. Christus Jesus confirmavit: *Honora Patrem, & Matrem.* Veni, inquit Christus, legem adimplere, ergo Joseph parentem Christus in cœlis honorabit; Sed quo gradu? Juxta rita honorat Deus Sanctos, eos in certo gradu honorum, in cœlo constituens: Exempli causâ; altiori gradu constituti sunt Archangeli, quàm Angeli; altiori gradu locati sunt Apostoli, præ Confessoribus; propterea disparitatem faciendi, inter reliquos Sanctos & S. Joseph, qua parentem, quâ nutritium Christi, sine dubio, gradu honoris, dignitatis, & gloriæ in cœlis, super Angelos, super Apostolos, super Confessores, exceptâ virgine, super Sanctos cœli caverit. Magna quidem dignitas Angelorum, quia intimi ministri Dei: excedit gradum S. Joseph, Deum habet subditum, & ministrum. Luca 2. cap. *Et erat subditus illis.* Magna dignitas Apostolorum: *Non dicam vos servos, sed amicos,* Luca 15. cap. ait S. Josephum Deus dicit parentem. Magna dignitas Martyrum; quantum corpore pro Christo passi: S. Joseph pro Christo passus, in animi mente, parte subtiliori; ergo dignissimus, honoratissimus, super Martyres; Magna dignitas Confessorum; S. Joseph dignissimus, primus nomen Jesu confessus est. *Vocabis nomen ejus Jesum.* Matth. 23. cap. Magna dignitas Virginum: *Sequuntur agnum, quocumque sero* Apocal. 14. cap. superat S. Joseph, dignissimus est inter virgines, tum enim sequitur agnum, sed præcedit. *Erat subditus illis.* Luca 2. cap. Joseph ergo super omnes Sanctos honoratissimus, gloriosissimus in cœlo.

CONCEPTUS VII.

Etiam Barbari fidele servitium maximè præmiarunt; sic Assve-
rus Mardocheum, quia è vitæ periculo liberavit, maximâ dignita-
te, & honore, ac gloria condonavit: *Tulit Aman stolam, & equum,*
indutumque Mardocheum, in plateâ civitatis, & impositum equo,
precedebat, & clamabat; hoc honore condignus est, quemcunque volue-
rit Rex honorare. Esther 6. cap. Quis post Mariam, Christo Jesu fide-
liora servitia præstitit, quàm S. Joseph? S. Joseph Christum fugâ à
facie Herodis salvavit: S. Joseph labore manuum suarum nutritiv
Jesum, & educavit: tam fidele servitium, quis explicet, quantum
Christus Josepho remuneratus sit? *Tantus existimandus est justus*
Joseph in gloriâ, qui talis, & tantus in terris est in miseriâ inven-
tus. inquit Gerson. serm. de S. Joseph. quot vigilias sustinuit, quot
asperas vias ambulavit, quot pericula subivit, quos non duos labo-
res confecit, amore Jesu? honoratissimus, gloriosissimus est S. Joseph
in cœlis. David testatur. *Gloriâ & honore coronasti eum Domine, &*
constituisti eum super opera manuum tuarum. Psal. 8.

Tam honoratissimum, gloriosissimum virum S. Joseph, honore-
mus & nos hodiernâ die, & acclamemus, quod olim Judith cecinere Epilogus.
Cives Bethulia. *Tu gloria Jerusalem; tu letitia Israël; tu honorifi-*
centia populi nostri. Te imploramus, & suppliciter invocamus, me-
mento nostri, in Regno tuo, & gloriâ; fove parens nos miseros; pa-
sce nutritie nos pupillos; dirige nos, ac rege, o tutor, orphanos;
subveni nobis exulibus, O S. Joseph! Patrone clementis-
sime, & maxime! Amen.



IN



IN FESTO S. JOSEPHI.

CONCIO TERTIA.

Textus. Constituísti eum super opera manuum tuarum.
Psal. 8.

Thema. Potentissimus est S. Joseph.

Exordium.



Uam potens apud Deum sit S. Joseph, scriptis docti-
morum virorum adstruamus: Qui in regia fan-
ritatis sacrarium admittuntur, multa facere possunt
& dicere, quibus pauperum necessitates subleuantur.

Patres.

*S. Thomas
Aquinas.*

*Bernardinus
de Busto.*

*Joannes
Gerson.
Isolanus.*

S. Theresia.

scribit Petrus Blefensis, Epist. 1. cap. 102. O quanta
ducia, quanta vis impetrandi? quia dum vir, dum Pater et natu-
rem & natum, velut Imperium reputant. Joannes Gerson in Jo-
sephinâ. Quibusdam Sanctis datum est, in aliquibus specialium
suis præcipue patrocinari, at Sanctissimo Josepho, in omni necessitate
& negotio, concessum est opitulari, & omnes ad se pie confugunt
fovere, & pio affectu prosequi, ita docet S. Thomas Aquinas.
Christus habeat claves Paradisi, & unam dedit Matri suæ, & dedit
Patri suo Joseph; qui autem habet clavem, etiam & ea, quæ ad
mentur sub clavi: ita Bernardinus de Busto, part. 4. ferm. 12. Omnes
creatura obediunt Josepho, cum ipse Christus obediens existit
Josepho. Joannes Gerson, in Josephinâ. Mortales inter Patronos
Deum S. Joseph efficaciorum, & post virginem præstantiorum
tror. ita Isolanus: Sicut Christus vivens in hoc mundo, voluit
ditus esse Joseph, ita etiam in cælis existens, nihil ei pro nobis
pellanti negat, S. Theresia lib. Revelat. cap. 6. Potentiam S. Joseph
divinâ ope Conceptibus demonstro.

CO

CONCEPTUS I.

Cornelius à Lapide asserit, ex eo, quòd Deus Adam potestatem dederit, omnibus creaturis & animalibus nomen imponere, acquisiverit Dominium, & Imperium, super omnes mundi creaturas, & animantia, factus sit Imperator totius mundi; cum rem ad placitum suum vocare, signet, rem illam pleno jure ad vocantem pertinere: S. Joseph Deus Pater clementissimè indulgit, ut Filio suo unigenito nomen daret. Matth. cap. 1. *Joseph, noli timere accipere Mariam conjugem tuam, quod enim in eâ natum est, de spiritu S. est, pariet autem Filium, & vocabis nomen ejus Jesum.* Si nunc Adam ideo, quia potestatem à Deo acquisivit, creaturas terræ nomine compellare, creaturarum omnium Dominus, & Imperator factus est, omnes creaturas sibi subjectas, voluntati suæ obediens habuit; S. Joseph in cœlum, ac terram Dominium & Imperium tenet, quia cœli terræque Domino nomen imposuit, Dei omnipotentis Filium, nomine Jesu vocavit. *Vocabis nomen ejus Jesum.*

Confirmatio
seu
Deductio.

CONCEPTUS II.

Docent Juristæ: *Fructus cedunt solo.* Arbor & fructus, ad illum jure spectant, in cujus solo & fundo fructus crevit, & hoc sine controversiâ, sive Dominus fundi, aut ipse fructum seminaverit, arborem plantaverit, in propriâ personâ, vel alius per errorem, aut datâ operâ, laborem & operam, in illo fundo impenderit. Maria vera uxor S. Josephi, quoad corpus, S. Josepho subjecta est, corpus B.V. proprius fundus est S. Josephi, ex S. Pauli asserto 1. ad Corinth. c. 7. *Mulier sui corporis potestatem non habet, sed vir.* Fructus ergo, qui in utero Mariæ virginis, licet supernaturaliter plantatus est, verè in fundo proprio S. Josephi crevit, jure ad Josephum, quâ fundi, uteri B. Virginis proprietarium spectat, & pertinet; sic Jesus Dei Filius, proprius fructus est, & S. Josephi, dicit nunc S. Paulus, ad Rom. cap. 8. quòd Deus cum Filio Jesu, etiam omnia nobis donaverit. *Cum illo omnia nobis donavit:* maximè revera donavit omnia cœli terræque, cum Jesu S. Joseph, quâ fundi Domino,
D d &

& proprietario. Si nunc Jesus est mare gratiarum, aquis gratiarum abundat, & superfluit, fructus hic proprietarius S. Joseph: *data est omnis potestas, in caelo, & in terrâ.* Matth. 28. cap. in fructu Jesu, in caelo, & in terrâ, omnem potestatem, caeli, terrae, & quae Dominium acquisivit S. Joseph: sicut post B. Virginem est honoratissimus, gloriosissimus, ita etiam in caelo & in terrâ potentissimus. Aureè concludit hunc Conceptum Bernardinus de Buis part. 4. serm. 12. *Cum Christus haberet claves Paradisi, unam de Matris suae, & aliam Patri suo Joseph, qui autem habet clavem, habet ea, quae continentur sub clavi: nempe omnem potestatem ac Dominium. Constituisti eum super opera manuum tuarum.*

CONCEPTUS III.

Paulus ad Galatas scripsit cap. 4. *Quanto tempore parvulus est, nihil differt à servo.* Ergo Jesus parvulus, & Filius servus est Josephi. *Erat subditus illis,* Lucæ 2. cap. *Jura habet servus lucratur Domino suo.* O quantas divitias gratiarum lucratus est Jesus, per humillimam obedientiam, per ignitam charitatem, per summam patientiam, in passione, & cruce; has divitias gratiarum, cui lucratus est? omnium primò Domino suo, S. Joseph: sequitur inde, S. Joseph post Mariam est potentissimus, caelum terramque Dominium habet generale: Job. cap. 42. *Non est potestas, quae comparetur ei.* Meritò ergo S. Joseph honoratur, quod olim de se agebat Iphicrates.

CONCEPTUS IV.

Gratulabatur sibi Iphicrates. *Hoc meum est Imperium, impero iis, qui imperant omnibus.* Rectius hoc dicit S. Joseph: *Jesu fatetur* Matth. 28. cap. *Data est mihi omnis potestas, in caelo, & in terrâ.* Huic potentissimo imperat S. Joseph, quia Pater est, quia superior suo subdito, imperat Jesu S. Joseph: ergo & imperat omnibus, quæ Jesu sunt; Cælum Jesu domus est, ergo caelum imperat Joseph: Angeli Jesu ministri sunt, Joseph imperat Jesus & Angelis ministris: universæ creaturæ, sol, luna, stellæ,

aqua, aër, terra, homo, & animantia, Jesu suppellex sunt, Joseph imperat Jesu, ergo & imperat omni creaturæ. *Non est potestas, qua comparetur ei.*

CONCEPTUS V.

S. Thomas docet part. 3. quæst. 27. art. 5. *Quantum aliquid appropinquat Principio, in aliquo genere, tanto magis participat effectum ejus.* Sic docet S. Dionysius Areopagita in cœlesti Hierarch. part. 4. quod Angeli, qui proximiores ad thronum Dei adstant, copiosius à radijs gratiarum ditentur: Jesus & Maria, origo sunt omnis gratiæ & donorum: De Jesu scribit Thomas part. 3. quæst. 27. art. 1. *Jesus est Principium gratiæ, secundum divinitatem autoritative, secundum humanitatem verò instrumentaliter.* De hoc fonte gratiarum & donorum inquit S. Joannes: *de plenitudine ejus, accipiemus omnes*; de B. V. Mariâ scribit S. Bernardus super missus est. *Plena est, & superplena, de cujus plenitudinis exundantiâ, resersa reviviscit omnis creatura.* Quis nunc vicinior, proximior assistit Jesu & Mariæ, quàm S. Joseph? Quis sapius Jesum amplexus est, Mariam consolatus est, quàm S. Joseph? copiosius ergo omni creaturâ, plus quàm flores rore, quàm gramina imbre, S. Joseph fluentis gratiarum, donorum, superfluis, donatus, ditatus est, plenus gratiis, Dominio, ac potestate in universa.

Cum in Ægypto caritas, & indigentia rerum exorta esset, re- *Epitolum.*
fugium generale erat, ad vice-Regem Josephum. *Ite ad Josephum.*
Genes. 41. cap. Nullus est status in hoc mundo, qui non indigeat:
Reges & Imperatores, hostiliter à Barbaris infestantur; *Ite ad Josephum,* hic à Tyranno Herode salvavit Jesum; omnes Reges terræ salvare potest: uxorati indigent pace & concordia; *Ite ad Josephum,* hic est, qui triginta annis, pacificè uxori suæ Mariæ cohabitavit, potens pacificum matrimonium uxoris procurare, indigent prolibus: *Ite ad Josephum,* hic est felix parens, qui cum Filio Jesu dotatus est, & vos steriles dotare valet: affligunt fors parentes, Filii immorigeri; *Ite ad Josephum,* hic est, qui optimum

D d 2

mum

mum Filium educavit, in educatione optimâ prolium vobis
 stet. Angustiantur Matres in partu; *ite ad Josephum*, hic
 cui Mater gravida, parientium adjutori confisa est. Soluti,
 ginitatis coronam immarcescibilem conservare desideratis; *ite*
Josephum, hic castus Sponsus & Virgo, vobis præluet. Pauperes
ite ad Josephum, hic est universalis pauperum nutritus. Tristes
 & afflicti, *ite ad Josephum*, hic est afflictorum consolator. Infirmi
ite ad Josephum, hic est, qui medicinam præparatam, omni
 gvori curando, Jesum portat in manibus. Morientes, *ite*
Josephum, hic valet, ut in ultimâ horâ, Jesus & Maria, afflicti
 præsentem. Peccatores, *ite ad Josephum*, hic est, qui
 bestias, bovem & asinum dignatus est, & vos curabit
 ad Dei gratiam perducere.

Amen.

